

ՀՈՎՀԱՆՆԵՍ ԹՈՒՍԱՆՅԱՆԻ «ՍԱՍՈՒՆՑԻ ԴՎՎԻԹ» ՊՈԵՄԸ

Հովհաննես Թումանյանը «Սասունցի Դավիթը» պոեմը գրել է 1902 թվականին՝ «Սասնա ծռեր» էպոսից օգտվելով:

Պոեմում բանաստեղծը վերարտադրել է հայկական էպոսի հերոսական ոգին, հաստատել ազգի ու հայրենիքի հարատևման համար բռնության դեմ մղվող անձնուրաց պայքարի անհրաժեշտությունը, առաջ քաշել մարդու արդար գործի և բարձր բարոյականության գաղափարը:

Այսուհանդերձ, Հովհ. Թումանյանը «Սասնա ծռերում» տեղ գտած մի շարք մանրամասներ չի ընդգրկել իր ստեղծագործության հյուսվածքում: Դրանցից են, օրինակ, Մըսրում եղած ժամանակ մանուկ Դավթի հետ կատարված մի քանի դեպքերը, Կաթնաղբյուրից ջուր խմելու, երկաթե այունը թրով կտրելու դրվագները և այլն: Ըստ էության բանաստեղծն այդպես է վարվել՝ ելնելով իր գեղագիտական ու գաղափարական ըմբռումներից:

ՍԱՍՈՒՆՑԻ ԴՎՎԻԹ

(հատված)

Տեսավ՝ Դավթի նժույգն անտեր
Սարերն ընկած խրխրնջալով,
Ներքև Մըսրա գորքը չոքած,
Ինչպես անծեր ծըփուն մի ծով:
Օխտը գոմշի կաշի հագավ,
Որ չըպատռի իրեն գոռից,
Կանգնեց Օհան, ամպի նըման
Գոռաց Սասնա սարի ծերից:
Հեյ-հեյ, Դավիթ, որտեղ ես դու.
Հիշիր խաչը քո աջ թևի,
Սուրբ Տիրամոր անունը տո՛ւր,
Ու դո՛ւրս արի լույսն արևի...
Ձենը գընաց դրմբդրմբալով՝
Դավթի ականջն ընկավ հորում.
Հայ-հայ, ասավ, հորեղբայրս է,
Սասնա սարից ինձ է գոռում:
Ո՛վ Մարութա Աստվածածին,

Ո՛վ անմահ խաչ պատարագի,
Ձե՛զ եմ կանչել,- հասնք Դավթին...
Կանչեց, տեղից ելավ ոտքի,
Էնպես զարկեց ջաղացքարին՝
Քարը եղավ հազար կըտոր,
Կրտողները երկինք թըռան,
Ու գնում են մինչև էսօր:
Ելավ նորից, կանգնեց ահեղ,
Սարսափ կալավ դև Մելիքին:
Դավիթ ախպեր, եկ դեռ էստեղ,
Սեղան նըստենք, խոսենք կարգին...
- Էլ չեմ նստի ես քու հացին,
Դու տըմարդի, վախկոտ ու նենգ.
Շուտ, զենքըդ առ, հեծիր քու ձին,
Դուրս եկ մեյդան, կըռիվ անենք:
- Կըռիվ անենք,- ասավ Մելիք,
Իմն է միայն զարկն առաջին:
- Քոնն է, զարկի ր,- կանչեց Դավիթ,
Գընաց, կեցավ դաշտի միջին:
Ելավ, կանգնեց Մըսրա-Մելիք,
Իր գուրգն առավ, հեծավ իր ձին,
Քըշեց, գընաց մինչ Դիարբեքիր
Ու էնտեղից եկավ կըրկին:
Երեք հազար լիդր էր քաշում
Հըսկայսկան իր մըկունդը.
Եկավ, զարկեց, կորավ փոշում
Ու երերաց երկրի գունդը...
Մեռավ Դավիթ էս մի զարկից,
- Ասավ Մելիք իրեն գորքին:
Կենդանի են,- ամպի տակից
Գոռաց Դավիթ,- Մըսրա-Մելիքին:
Երկրորդ անգամ քըշեց Հալար
Ու բաց թողեց ձին Հալաբից.
Բութ վեր կացավ, տեղ ու տարափ,
Արար աշխարհ դողաց թափից:
Եկավ, զարկեց, զարկի ձենից
Մոտիկ մարդիկ ողջ խըլացան:
Գընանց Դավիթ Սասնա տանից,-
Գուժեց գոռոզ Մըսրա արքան:
Կենդանի են,- կանչեց Դավիթ,-

Մին էլ արի՛ – հերթն ինձ հասավ:
– Հայ-հայ, մոտիկ տեղից եկա,-
Կանչեց Մելիք ու վեր կացավ:
Երրորդ անգամ հեծավ իր ձին,
Գընաց մինչև հողը Մըսրա,
Ու էստեղից գուրզը ձեռին
Քըշեց, եկավ Դավթի վըրա;
Եկավ, զարկեց բոլոր ուժով,
Ծանրը զարկով հրսկայական.
Փոշին ելավ Սասնա դաշտից,
Որոնեց երեսն արեգական...
Երբ որ անցավ երեք օրը,
էն ամպի պես կանգնած փոշում
Կանգնեց Դավիթ, ինչպես սարը,
Գըրգուռ սարը մեզ-մըշուշում:
Մելիք,- ասավ,- իմն է հերթը:
Սարսափ կալավ գոռ Մելիքին,
Մահվան դողը ընկավ սիրտը,
Ու տապ արավ գոռոզ հոգին:
Դընաց, խորունկ մի հոր փորեց,
Իջավ, մըտավ վիհն էն խավար,
Վըրեն քաշեց քառասուն կաշի
Ու քառասուն ջաղացի քար:
Մըռնչալով ելավ տեղից
էն առյուծի առյուծ որդին,
Իր ձին հեծավ ու փոթորկեց,
Խաղաց, շողաց Թուր-Կեծակին:
Առաջ վազեց մազերն արձակ
Մելքի պառավ մայրը ջադու.
– Դավիթ, մազըս ան ոտիդ տակ,
Էդ մի զարկը ինձ բաշխիր դու:
Երկրորդ անգամ թուրը քաշեց,
էս անգամ էլ եկավ քուրը.
–Դավիթ, եթե կուզես,- կանչեց,-
Իմ սըրտին զարկ երկրորդ թուրը...
Վերջին զարկի ժամը հասավ,
Ելավ Դավիթ երրորդ անգամ.
էս մի զարկն ու աստված,- ասավ,-
էլ մարդ չըգա, պետք է որ տամ:
Ասավ, ելավ ու փոթորկեց,

Թըռավ, ցոլաց Դավթի հուր ձին,
Ձին փոթորկեց, փայլատակեց
Ու ցած իջավ Թուր-Կեծակին:
Անցավ քառսուն գոնձի կաշին,
Անցավ քառսուն քարերը ցած,
Միջից կըտրեց ժանտ հըրեշիե,
Օխտը գազ էլ դենը գընաց:
Կենդանի՛ եմ, մին էլ արի՛,-
Գռռաց Մելիք հորի տակից:
Դավիթ լսեց, շատ զարմացավ
Իրեն զարկից, Թուր-Կեծակից...
- Մելիք,- ասավ,- թանփ տուր մի քեզ:
Ու թափ տըվավ Մելիքն իրեն,
Միջից եղավ ձիշտ երկու կես,
Մեկն ընկավ դեսն ու մյուսը դեն:
Էս որ տեսավ Մըսրա բանակ,
Ջուր կըտըրվեց ահ ու վախից:
Դավիթ կանչեց. - Մի՛ վախենաք,
Ականջ արեք հալա դեռ ինձ:
Դուք ըռանչպար մարդիկ,- ասավ,-
Ջուրկ ու խավար, քաղցած ու մերկ,
Հազար ու մի կըրակ ու ցավ,
Հազար ու մի հոգսեր ունեք:
Ինչ էք առել նետ ու աղեղ,
Եկել թափել օտար դաշտեր.
Չէ՞ որ մենք էլ ունենք տուն-տեղ,
Մենք էլ ունենք մանուկ ու ծեր...
Ձանձրացել էք խաղաղ ու հաշտ
Հողագործի օր ու կյանքից,
Թե՛ զըզվել էք ձեր հանդ ու դաշտ,
Ձեր հունձ ու փունջ, վար ու ցանքից...
Դարձե՛ք եկած ճանապարհով
Ձեր հայրենի հողը Մըսրա.
Բայց թե մին էլ զենք ու զոռով
Վեր էք կացել դուք մեզ վըրա,
Հորում լինեք քառսուն գազ խոր,
Թե ջաղացի քարի տակին,-
Կելնեն ձեր դեմ, ինչպես էսօր,
Սասնա Դավիթ, Թուր-Կեծակին:
Էն ժամանակ աստված գիտի՝

Ով մեզանից կըլնի փոշման.
Մենք, որ կելնենք ահեղ մարտի,
Թե՛ դուք, որ մեզ արիք դուշման...



ԲԱՈՒՐԱՆ

Անձեր – անծայր:

Գրգուռ սար – լեռնագագաթ Հայկական Տավրոսում:

Դուշման – թշնամի:

Զոռ – ուժ, զորություն:

Ժանտ – դաժան, անգութ, անողորմ:

Լիդր – մոտ 6 կգ ծանրաչափ, ուրեմն, 3000 լիդրը հավասար է 18 000 կգ.:

Հալա – հիմա, այժմ, դեռ:

Հալաք – Հալեա՝ քաղաք հին Ասորիքում, այժմ Սիրիայի խոշոր քաղաքներից է:

Մեյդան – հրապարակ, ասպարեզ :

Մկունդ – տեգ, նիզակ (խոցող զենք):

Ջաղու – կախարդ, վիուկ, չար:

Ջաղաց – ջրաղաց:

Ջուր կտրել (լեղին ջուր կտրել) – սաստիկ վախենալ, զարհուրել:

Ռանչպար – հողագործ:

Փոշման լինել – գղջալ, ափսոսել:

Օխտը – յոթը:



ՀԱՐՑԵՐ ԵՎ ՍՈՍՁՎՈՐԱՆՔՆԵՐ

1. Մեկնաբանիր պոեմի գաղափարը, բացատրիր՝ դա ինչնով է համահունչ էպոսի գաղափարախոսությանը:
2. Մարտն սկսելուց առաջ Դավիթն ինչպե՞ս է վարվում Մըսրա գորքի հետ:
3. Ի՞նչ արդյունք է ունենում, երբ արաբ ծերունին Դավթին է ուղղում իր խոսքը: Գնահատիր այդ խոսքի բովանդակությունը:
4. Ինչպիսի՞ երանգավորում ունի Մելիքին արթնացնելու հատվածը: Մեկնաբանիր երևույթը:
5. Ի՞նչ միջոցներով է Մըսրա Մելիքը ջանում հաղթել Դավթին: Բնութագրիր Մելիքի արարքը:
6. Բացատրիր Ձենով Հովանի երազի խորհրդանշական իմաստը: Էլ որ ստեղծագործություններում ենք հանդիպել խորհրդապաշտական նշանակությանը
7. Նկարագրիր Դավթի և Մելիքի կռիվը:
8. Մենամարտի կարգը որոշելիս ինչպե՞ս են իրենց դրսևորում Դավիթն

ու Մելիքը: Վենի գծակարգով ցոյց տուր նմանություններն ու տարբերությունները:

9. Ինչ համեմատություններով է պատկերված Մելիքի հարվածների ուժգնությունը: Պատկերավորման ինչ միջոցներն են գործածված
10. Ինչ վեհանձն արարք է դրսևորում Դավիթը Մելիքի դեմ կովելիս:
11. Մելիքին սպանելուց հետո ինչպե՞ս է վարվում Դավիթը Սըսրա գորքի հետ: Ինչ խորհուրդ է տալիս Դավիթը արար գինվորներին:
12. Բնութագրի՞ր Դավթին՝ օգտագործելով բնագրային բառամթերքը:
13. Բնագրից դո՞ւրս գրիր բարբառային ձևեր և գտի՞ր դրանց գրական համարժեքները:
14. Դյուցազնավեպի հիմնական գաղափարն արտահայտված է երրորդ ձյուղում, որ կոչվում է «Սասունցի Դավիթ»: Դավիթը ժողովրդի ամենասիրելի հերոսն է: Նրա կերպարի մեջ ժողովուրդը մարմնավորել է գեղեցիկի, վեհության, բարու և արդարության մասին իր ունեցած նվիրական ձգտումները: Դավիթն ազատասեր, ազնիվ, քաջ և անվախ հսկա է: Նա թշնամիների դեմ մղած կռիվներում երբեք հանդես չի բերում փոքրոգություն, երբեք չի դիմում նենգության կամ բռնության: Մտա Մելիքի գորքերի վրա հարձակվելուց առաջ Դավիթը բարձրաձայն կոչ է անում նրանց նախապատրաստվել կովի, բայց Մելիքը նենգ է ու չարական:
15. Նա փորձում է Դավթին հաղթել խաբեությամբ: Հաղթելով Մելիքին՝ Դավիթը հրաժարվում է թագավորել մարցիներին: Դավիթը աչքի է ընկնում նաև իր պարզամտությամբ, իր ժողովրդի ու հայրենի բնաշխարհի նկատմամբ տածած անսահման սիրով: